

太上中道妙法蓮華經卷之六

報應品第十一

爾時

元始天尊說往古時諸仙下化諸魔鬼神徧滿天下。食噉人民。聚集穢汚。徧滿山川。諸仙

修鍊。皆被所惱。腥膻氣盛。遂告諸天百千聖眾。久修十善。咸有神通。為吾剪除天下鬼魔。免食人民。爾時會中有一真人。名曰太一。稽首白言。今正是時。久有此意。未嘗上白。天尊願賜無碍斬邪之劍。無為之水。剪妖神

咒。於是

天尊即說咒曰

我持無碍咒

遠化他方外

如粉碎砂石

莫食諸眾生

速避遠他方

除非地獄間

不得聞妙經

不得惱眾生

百鬼盡消磨

箇箇腦門破

莫惱諸仙子

聞吾一咒語

海外無處處

永為業鬼精

元君勅下鬼

如不依我教

頭破作千分 永不聞妙經

是時諸鬼等即各現身。瞻禮真人。願賜慈悲。願聽我語。我為諸鬼。所因非造。乃往古時。或為生人。多不信心。輕慢

三寶。恣行貪慾。常行積惡。好殺眾生。食肉噉

血。欺慢十善。惡口兩舌。誹謗聖真。輕辱尊像。

偷竊供養。先嘗眾味。令陸鬼趣。經千劫中。未

得輪迴。生於人道。今遇真人。受元君勅。我等

觀諸鬼神。捨無間業。願告真人。為我等故。說

此妙法蓮華經。即隨修仙學道。同入上真。唯

願真人。上白元君。

化鬼人道品第十二

爾時元君勅諸鬼王。吾聞汝等造業。常在人間。穢汚仙壇。食噉腥膻。吾今真人。剪除諸鬼。

遠藏他方。令諸鬼捨邪歸正。隨吾學道。得悟

真人。見聖人位。習無礙惠。當度群迷。除伏惡

魔。用神通力。遠圍天下。山林曠野。崑崙深處。

靈壇宮觀。護持諸仙。學道之子。汝等鬼王。既

受吾勅。歸神仙道。求學長生。是時

元君。以偈讚曰。

群魔歸正道

縱得長生樂

助道千萬劫

夜朝華清殿

祛邪過東海

乘火耀虛靈

噴氣渾洞谷

是時諸鬼王等稽首長跪上白

天尊曰我等自從為鬼以來管制天下諸惡

邪神無令侵害人民護諸童子天眾為我說

法名曰妙法蓮華夫學道修真之子我當助

教如有天下人民所獲染病我當衛護諸仙

道士轉此妙經病者必得安痊快樂魔鬼不

敢來侵惡邪遠離瘴氣收威毒藥解散我常

助行如此經咒勿使人民受諸苦惱令得安

穩盡悟神仙學其大道達悟通玄頂禮而退

降伏諸邪鬼

逍遙任自然

恒居海上仙

朝遊五嶽峯

收煙淨世界

移山動小功

掩月到蓬宮

太上中道妙法蓮華經卷之六終